

# ‘t Gezetsje

## 2018

45<sup>ste</sup> Oetgaaf

“Gekke Kraant” veur ‘t  
BEMELER-LAND



Carnavalsvereniging  
“De BERGGEITTE”  
Bemelen

## **Leef carnavaliste oet Bemele,**

Wat begós op unne truësteloze maondigaovend ureges in november 2016, 't momint dat die twie hieëre van de raod van èlfel oos veur de naas sjtonge, lòp noe bienao op z'n eind. Eine waanzinnige tied, dae veer allebei veur gein sekonde hawwe wille misse.

Nao 't vertrèk van de hieëre dae'n aovend drong 't langzaam tot ós door wat ze precies aan ós gevraog hawwwe: de vastelaovend in Bieëmele belaeve es Prins en Prinses van de Berggeit...

Nao gèt twiefels en vraogteikes waore veer al sjnel planne aan 't make euver wie veer 't ein en 't ander on zouwe kinne vulle. Dat waor veur os 't teike um definitief en van harte 'jao' te zègke, en um d'r hoonderd procent veur te goon.

De tied dae toen aanbraok, waor ozze iersjte opmaot nao ein fantastisch vastelaovesseizoen: alles heerlijk sjtiekkem doen, gèt woe eigelik alleen veer twieë van aaf wiste, terwiel geine auch mèr 'n flauw idee haw dat veer oeëts teveursjien zowwe kome op 't podium. Naodat veer ozze outfit kompleet hawwe - via Beek, Eindhoven, Trier en Maaseik... - waor op 24 december um 9 oor 's murreges de fotoshoot. 't Perfecte pleetsje.... Dat momint waor erg onwinnig en onrealistisch: de keersjboum in d'n eine hook van de kamer en veer es towkomstig prins en prinses in d'n ander hook. Mèr de ban wair sjnel gebroke en d'r woord fleenk gelache. Nao aafloop same mèt de fotograaf en de president eine fijne borrel, en toen op nao de feesdaag...

Mèt die feesdaag mooste veer netuurlik net doen of d'r nik's aan de hand waor. Nog gèt details van foto's , posters en medailles regele, en toen op vakantie. Woe veer tössje de weentersjportleefhöbbers heerlijk hèl-op same koste kletse euver 't komende vastelaovesseizoen in Bieëmele zoonder bang te zeen dat veer os zouwe verrajoje.

De aovond veur 't oetroope woorte de awwersj ingeliech, die ieërsj sjprakeloos en metein denao grüetsj waore dat veer – en zee – dit mèt mochte goon make. Ós vrùn woorte op zaoterdig geïnformeerd. D'r waore d'rbee die op de kalender keeke im zeker te weite dat 't gein 1 april-grap waor.

Toen eindelik: in de kis, oet de kis, en 'n superfijne ontvangs in de zaal, dae nao 'n sekonde van verbazing hielemaol los ging en d'r eine geweldige feesaovend van maakde dae oetendelik in de vreuge oore bove op de bérreg woord aafgesjlote.



Prins Loek I en prinses Yvonne - 2017

Wat volgde waore veur òs veer onvergetelike weke, woe-in veer dageliks gezèllig bezeuk hawwe of op sjtap waore mèt de raod van èllef. Of 't noe ging um 't groeët prinsettreffe in Groesselt, 't make van de foto's veur de gezèt, 't radio-interview, 't oetroope van Arne en Luka, de ieërsjte Bieëmeler seniore-vastelaovesmiddig, 't ziekebezeuk of optoch kieke in òs buurdörpe, 't waore allemaol onvergetelike mominte. Same mèt de raod op sjtap boete òs dörp um Bieëmele te vertegenwoordige maakde òs gruëtsj. De groeëte opkoms van de raod en hun deilname bee activiteite leet aan andere duidelik zeen woe 'n klein dörp groeët in kin zeen, zeker auch de door de sjteun van de dames van de raidslede.

Naodat veer d'n optoch ins fleenk op sjleiptouw hawwe genome en bee ós op de berreg alles ins good bekeke hawwe, mooste veer auch dit jaor os dörpsgenote weer de kompleminte geve veur hun kreativiteit. Veur eine eenkeling bleek 't allemaol toch net gèt te sjnel te zeen gegange, zoeëdat de gefantaseerde konstruktie 't inins begaof en d'n optoch sjtil veel... Mèr oeteindelijk waore veer toch nèt veur de rege binne, en volgde nog eine super vastelaovesdeensdig in Bieëmele.

Toen veer oeteindelijk op goonsdig 't essjekruiske gehaold hawwe, waor 't sjtil. Dat waor waal weer eve winne...

Wat volgde, waor eine röstige tied, woe-in veer netuurlik nog regelmaotig in gedachte trùgk ginge nao de aafgeloupe periode. Wie 't eind van de zomer naderde en de iersjte sjportdaag veur de raod van èllef op 't programma sjtong, haolde veer 'n twiede plaats mèt 't boeregolf (mèr volgens miech 'n irsjte plaats veur lol en plezeer...). De raod waor netuurlik allang vergete dat in punt 10 van mien prinseproklamatie eine extra sjportdaag waor aangekondig... Daobee haolde eederein de iersjte pries, allein al door mèt te doen aan 't technische MTB-parkoer op de Bieëmelerberg.

Veurdat veer 't ech door hawwe, waor 't alweer bienao 11 november. Ein week daoveur höbbe veer aadgesjproke mèt alle prinse en prinsesse oet de umliggende dörper um d'r same eine gezellige aovend van te make, es 'warming-up' veur 't echte vastelaovesseizoen en veurdat veer ein veur ein aafsjeid mooste goon neume es prins en prinses. De band dae veer in 't aafgeloupe vastelaovesseizoen mèt dees caravaliste höbbe opgebouwd, waor veur òs allemaol uniek.

Nao de opening van 't seizoen op de èllefde van de èllefde in Bieëmele is 't noe eve sjilte veur de sjtörrem, en dan op nao òs lètste daag in januari, woe-in veer nog 'n aantal leuke vastelaoovesactiviteite goon beleve veurdat 't onvermijdelijke aaftrèjje op de agenda sjiteit.

Veur alle potentiële kandidaat-prinse en -prinsesse van de Berggeitte in Bieëmele, zelfs veur degene die deenke 'aan mien lief geïne polonaise', höbbe veer de volgende boodsjap: veer hawwe van de aafgeloupe èllef maonde gein sekonde wille misse. Dus griep uuch kans, en laot de gelegenheid neet veurbeej goon. Want 't is einmalig.

Noe sjtoon veer es lètste prins en prinses van 't iersjte millennium van Bieëmele te book. Wae haw dat 1000+ jaor geleije kinne verzinne? Op nao 't twiede millennium, en nao 'n sjoeën feestelik jaor in Bieëmele!!

Nog ins: hartsjtikke bedank veur alles wat veer in de aafgeloupe 11 maonde mèt uuch mochte mètmake. Veer zeen verierd en gruëtsj dat veer dit same mèt uuch mochte belaeve.

Bemele : Alaaf !!!

Prins Louk I en Prinses Yvonne



# WIS GEER DAT?

## **Wis geer dat:**

- Bemelen sinds kort ouch un schoonheidssalon haet?
- es geer nao de raod van ellef kiek, ouch hoeg tied woort?
- Bemele 't aafgeloupe jaor bezoch is door unne hieleboel ooievaars?
- Peter en Bianca blykbaar de innige zeen die dao nog in geluive?
- d'n andere Peter, Peter Ladeur dit jaor de marathon van Berlijn haet geloupe?
- hum dat zoe good is bevalle dat heer 'm volgend jaor probeert te renne?

## **Wis geer dat:**

- Green Resorts op 't Gasthoes waal hiel veul ope daag haet?
- Zee daomet waarschijnlik mier ope daag höbbe es café 't Plateau?
- Café 't Plateau waal un hiel sjoen terras en parkeerplaatse haet gekrege?
- de gaste noe in eeder geval lekker kinne zitte es de café gesjloten is?

## **Wis geer dat:**

- de FC Bemelen noe ouch 'n G team haet aangetrokke?
- zee noe un team höbbe dat wáál kampioen kin weurre?
- es geer toevallig gaot kieke: 't G team op zaoterdig mot voetballe en 't twiede op zoondig?
- dat dat ouch 't innige versjeel is?
- FC Bemele de ierste club waor boe unne trainer opsjtapte dit jaor?
- Heer voont dat heer niks te vertelle houw langs te lijn?
- Veer ouch al voonte dat heer waal hiel wienig vertelde langs de lijn?
- dat 't ierste noe gecoached geit weure door 't twiede?
- die in eeder geval hoondedtoet te vertelle höbbe langs de lijn?
- d'r toch geruchte goon van un fusie club?
- d'r eigelik mèr ein club is boe Bemelen met kin fusere en dat die van Keer zeen?
- dat veer van de gezet in dat geval al unne passende nuije naam höbbe veur de club? En neet zoe 'n aafkorting wie die van Banholt Mheer en Reijmerstok?
- umdat veer bee BMR toch nog altied aan un eng ziekte motte

deenke boe ste diech tege in mos ente?

- Veer veurstelle um de ierste twie letters te pakke van Bemelen en de letste twie van Keer?
- Veer dan weijer goon es FC BEER?
- Dat ouch hiel goot aansjlut bee us prestaties in de 3<sup>e</sup> helft?

**Wis geer dat:**

- De luij in de Sjteig dizze weenter hun oto's neet hoofte te kretse?
- dat al eine veur hun gedoon haw?
- De Vogelwerkgroep zich neet alleein bezig hèlt met veugelkes kieke?
- zee 't aafgeloupe jaor ouch eikelmuis höbbe oetgezat?
- Veer neet weite wie die bieskes aan hunne naam komme
- Mer veer deenke dat 't neet versjtendig is um met de carnaval te goon wildplasse?
- Zee ouch vleegende herten höbbe gespot in Bemele?
- Dat dat gein herte zeen die door Henk Jacobs zeen aangereje?

**Wis geer dat:**

- D'n drumband un paar punte te kort kaom veur unne ierste pries?
- Dat neet zoe'n probleem is umdat de FC Bemelen al jaore punte te kort kump veur unne ierste pries?
- Dat de jury 't versjeel neet wis tusse Ingels en Amerikaans countere?
- De tambour maitre daor waal un punt how?
- Mèr dat zee ouch met dat punt nog sjheels te kort koame?
- Veer deenke dat zee motte goan oefene in Bemels countere?
- Dat de FC Bemele ouch al jaore oefent op de counter?
- Dat dat ouch nog noets punte haet opgeleverd?
- Dat veer deenke dat de jury mier verwach how toen zee de naam van 't sjtuk "Sexy drummer" zaoge?
- Veer us die teleursjtelling dan ouch wel kinnen veursjtelle?

**Wis geer dat:**

- De kribkeswandeling aafgeloupe jaor op 't Gasthoes is gehouwe?
- En dat terwyl veer noe sjus un sjoen sjtelke höbbe midde in 't durp?
- Dao genog plaats is veur minstens 19 paerd, unne os, unne ezel en hiel gèt sjäöp?
- Carnaval weer gehouwe weurt in de groete Geitesjtal?

- Dat de verontruste plateaubewoners daa' ooch 'n protest tege ingedeend höbbe?
- Zee neet wiste dat de carnavalsvereiniging gewoen 't gemeensjapshoes bedoelde?
- Veer dat waal unne gooje bak voonte?
- Dat de verontruste plateaubewoners daa' ooch 'n protest tege ingedeend höbbe?
- Veer hun höbbe verzekerd dat 't geine boetebak waor?

### **Wis geer dat:**

- Hotel Bergrust bijnao klaor waor met de renovatie van kamer nummer 11?
- Zee noe genog kamers höbbe um de ganse road te laote oetsjlaope van 't sjtappe?

### **Wis geer dat:**

- De Heemkunde Stichting neet de innige is die kalenders oet bringt?
- Geer bee Guido Ubachs ooch unne trekkerkalender kint besjtelle?, Veer us doa hiel get bee houwe veurgesjteld?
- dat daa' gewoen tractors op sjtoon? Mer ooch sjoen vrowluij?
- Dat veer noe nog neet precies weite wat ze bedoel met unne trekkerkalender?



- Veer houpe dat de Heemkunde stichting volgend jaor ooch unne trekkerkalender geit oetbringe?
- Dat geinteresseerde modelle zich kinnen aanmelde ?

Tom van Leeuwen

will1924@planet.nl  
0434071852  
0641575850

Oude Akerstraat 30  
6268 ND Bemelen



# HENRY VIII

— Pub —

VALKENBURG A/D GEUL

ROEMERS  
EETCAFÉ

Dierenkliniek  
Bemelen



M  
praktijk voor  
mondgezondheid  
maastricht

Christel Schlässer  
mondygiénist

Oude Akerstraat 45, 6268 NC Bemelen | +31 (0)6 2816 8509  
[www.praktijkvoormondgezondheid.nl](http://www.praktijkvoormondgezondheid.nl) | [info@pmvg.nl](mailto:info@pmvg.nl)

WIP STAGE  
PODIUM VERHUUR

Van Motman  
Staalconstructie • Montage • Installatie

Na het Krutje feest nieuw buurfeest aan de dorpstraat:  
“het dak gaat er af !! kaarten te verkrijgen bij de familie  
Beijers...



# DE GERUCHTEMEULE

En jao huur, dao zeen veer weer...

Van betrouwbare bron höbbe veer begrepe dat d'r hiel get sjteit te gebeure dit jaor. Oonder 't mom van Bemelen 1000+ is achter de sjerme begonne met 't oetwerke van verregaonde planne veur os durp.

Väöl inwoeners kinne zich de vijandelijke euvername van os durp door Mergraote in 1981 nog herrinnere en later in 2010 door die van Eijsde. Get wat blykbaar nog altied hiel erg hoeg zit bee väöl inwoeners.

Noe Ingeland in 2016 oonder tant Maij 't gooi veurbeeld haet gegeve is 't nao de Brexit noe hoeg tied veur unne Brexit !!

In alle sjtilte zeen alle veurbereidinge sjtiekkem genomme. Vanaaf 17 januari geit Bemele allein weijer onder eige vlag !!

De sjutterij en de sjeetclub zeen onder de wapes geroope um vanaaf dae tied de grenze van Bemele te goon bewake en de Bemelerweeg weer onder Bemels zeggesjap te goon bringe tot aan 't voetbalterein van Sjaan.

Vanaaf 17 januari zal Bemele weer es vrije heerlijkheid weure erkend door president Trump precies 11 maond nao 't zeen van de videoboodsjap America first, Bemelen Eleventh, veurig jaor. D'r weurt nog druk gewerrekk aan 't Brexit akkoord mer dudelik is dat Bemele gans zelfvoorzienend kin weure:

Veer höbbe drei bekkers in Bemele, unne meule dae kin zurrege veur mael, genog fruit- en vieboere die kinne zurrege veur 't ete. Qua energieverziening haet Pedro berekend dat es veer allemaol genog zonnepanele op 't daak legke dat veer ouch Essent neet mie nudig höbbe. Zelfs appelsap en wien weurt heiij gemaak. 't handelsakkoord haet dan ouch veurnamelik betrekking op 't innige dat veer (nog) neet höbbe: beer.

Mer ouch dao huure veer al jaore geruchte van de vogelwerkgroep die eige Bemels beer wille producere (mer veurluipig neet weijer komme dan preuve)

## Besjtuur

Ouch weurt d'r nog gewerk aan un nuij besjtuursvurm van

Bemele. Veer höbbe begrepe dat zee doa nog neet hielemoal oet zeen. Mer de sjtuurgroep Bemelen 1000+ geneet 't volle vertrouwe van alle vereiniginge in Bemele.

In ierste instantie waor gedach um un keuninkriek te beginne. D'r waor zelf al unne kandidaat op 't Rooth dae al unne daag stage haet geloupe bee Willem Alexander. Oeteindelik waor men van meining dat, umdat 't keuningsjeete van de sjutterij pas in de zomer waor, men zoe lang neet kos wachte.

Ouch de meugelikheid van un graafsjap is bekeke. Veur dees functie koam eigenlik mer eine in aanmerking dae e bitsje kos grave en ouch dae kaom van 't Rooth. Dae kandidaat mocht neet van zien vrouw. "Iech bin eine kier prinses gewès en dat vin iech mie es genog"

Un riddersjap zaog de organisatie oeteindelik ouch neet zoe zitte. Euver de innige de Ridder dae 't durp riek is hoorte zee allemaal verontruste geluiden.

Oeteindelik zuut de sjtuurgroep eigenlik nog 't mieste in un prinsdom. Dit ouch, neet gans tevallig, umdat de sjtart van de Brexit op 17 januari bijnao same velt mèt t oetroope van de nuije preens van de Berggeitte.

Daomet haet de nuije preens van de Berggeitte 't dus gein drei daag mer 'n gans jaor 'veur 't zegke in Bemele, tenminste es dat maog van zien vrouw.



## **Volksleed**

Behalve 'n vlag höb veer es volledig zelfstandige, soevereine heerlijkheid natuurlijk ouch un volksleed nuudig. De kins tensjlotte op officiele gelegenhede en boetenlandse reizen nao Kier of Mergraote neet aankomme met "geef us nog e sjotel beer" of "iech höb unne kop wie unne geitebok" es de Bemelse vlag umhoeg geit,... Sjpeciaal daoveur höbbe veer BB'er (Bekinde Bemelenaar) Dyanne Sleijpen gevraog um un ode aan Bemele op meziek te zette. Veer zeen benujd....

## **Geld en postzegle**

Vanaaf 17 januari zal Bemele ouch aafsjtappe van de Euro en un eige valuta goon invoere. Neve de Europese Euro, de Amerikaans dollar en de Japanse Yen, zal de Bemelse Bon vanoet Bemele de waereld goon verovere.

Op 20 janurari kint geer, veur de ierste kier uch Euro's umwissele in Bemelse Bonne op de Carnavalsziting in Bemelen.

De koers is neet, zoe es de andere valuta's gekoppeld aan de goudpries mer zal afhankelijk zeen van de pries van è glas beer. D'r komme gein munte, dat is allemaol veul te zjwoer in de tesj, mèr allein papiere Bemelse Bonne. Hiel handig is dat 't biljet van 10 Bemelse Bonne geperforeerd is zoe dat geer d'r 10 eenkele Bemelse Bonne van aaf kin sjeure... Ech un uniek systeem dat bee gein enkele andere valuta meugelik is.


Komt geer Bemelse Bonne te kort, dan kint geer terecht bee de opnuijs op te richte Bemelse Boerelien Bank.

Op dit moment weurt d'r nog druk gewerrek aan 't ontwerp van unne eige postzegel. Daoveur is men sjpeciaal op zeuk nao unne Bemelenaar met un geziech wie unne postzegel zoedat ze dae dao op kinnen zette. Dus bee dees unne oproop: kiek 'ns in de sjpiegel en meint geer dat geer aan de besjrieving voldoot én vint geer 't fijn es ze 'ns aan uch lekke, sjtuur dan uch pasfoto op nao de redactie van dees gezet...

Tot de volgende kier!!!



Bekinde Bemelaer verovert de media....



Zoemer unne aovend bee de Aerobicsclub in Bemele

# www.laurentiusparochie.nl

Mesjiens höb geer al gemèrrek – mesjiens auch neet, mèr dan wèt geer 't noe... - dat de moderne tied auch Bieëmele neet ongemèrrek veurbie geit. Zèllef s de kèrrek ontkeump d'r neet aan. De Laurentius-parochie haet sinds veurig jaor ein eige website. En 't moot gezag: 't is 'n sjieke site mèt hiel väöl informatie. Mèr dit is pas 't begin. Oet betrouwbare bron weite veer dat 't kerekbesjtuur nog väöl mieér digitale planne haet. Veurluipig wachte ze nog eve aaf wie de parochiane en de luij van boete 't dörrep op de website reagere, mèr es de reacties good zeen, dan kint geer de komende jaore de volgende ontwikkelinge verwachte:

- **De knop 'mis gemis'.** Veur eederein dae nao de kèrrek haw wille goon mèr dao vanwege allerlei umsjtandighede – versjlaope, sjpannend programma op de tillevisie, ruizing mèt de man/vrow, d'n hoond waor weggloupe, de brögk sjtong ope – neet aan tow is gekome. De deenste weure mèt eine webcam opgenome (nao de kèrrek goon veur de mis hoof dus zoewiezoe al neet mieér...) en mèt eine simpele druk op de knop kint geer later, es geer wáál de tied höb, de ganse mis toch nog vollege op uuge kompjoeter.
- **Online biechte.** Veur eederein dae waal een of mieér zonde op te beechte haet, mèr te lui of te verlege is um dat oonder veer auge bee de pesjtoer te doen. Geer hoof uuch zonde mèr in te tikke – veur 't gemaak weurt al 'n lieske mèt de mieës veurkomende zondes op de site gezat, en geer hoof allein mèr aan te veenke wat geer höb oetgevrette – en binne ein menuut krijg geer 'n automatisch aangemaakte absolusieboedsjap trùgk mèt 't aantal weesgegroetjes en ozzevaders wat gere moot beijje. Um foetele te veurkome moot geer de tekste van al die weesgegroetjes en ozzevaders waal van A tot Z euversjrieve en in 't systeem invoere...

# Biechten

Geef je zonde op: [Kerken](#) [Discussiegroepen](#) [Facebook](#)

Gewone zonde

Doodzonde

Ik geef mijn zonde op:  in het Nederlands  in het Frans  in het Engels

- **Online te communie goon.** Weurt veurlui pig nog neet ingeveurd umdat 't nogal geveulig ligk. En umdat de techniek nog gèt te kostbaar is. Es de planne oeteindelik doorgoون, is 't de bedoeling dat menier pesjtoer metein nao de mis 'n speesjaal code op de site zèt woemèt geer de communie kint downloode, geer deent dae dan waal nog zelf oet te preente op sokkerpapier. In 'n volgende fase is 't mesjiens zelfs meugelik mèt die code ein 3d-print te make.
- **Online kollektere.** Is in principe noe al meugelik, mèr weurt pas ingeveurd es de nuijje 'bid-coins' gereid zeen, 't speesjaal betaalmiddel dat de Laurentiusparochie aan 't ontwikkele is. Mèt die 'bid-coins' kint geer sjtraks neet allein 'ne duit in 't kollektezèkske doen, mèr beveurbeeld auch ein (virtueel) keertske opsjteke in de Mariakepel. Dat is dan waal ein elektrisch keertske, dat geer dan beveurbeeld veer minute kint laote branne veur eine 'bid-coin', en tien minute veur de speesjale aanbeejiongspries van twie 'bid-coins'. Of zoegèt... 't Kèrkbesjtuur is nog aan 't euverlègke mèt de Belastingdeens um te kieke of gifte in 'bid-coins' mesjiens aaftrèkbaar kinne weure.



- **De samevatting van de week.** Degene die – vanwege drök, drök, drök – de mis trègkkieke op ‘mis gemis’ te langdraojig veende, kinne via Twitter auch ‘n korte samevatting van de ‘Preek van de Week’ kriege. Dat zeen maximaal 280 teikes, dus dat is gauw vaerdig.



Planne veur ‘n weijjere oetbreidung van ‘t digitaal kanaal van de Laurentiusparochie beveende zich nog in ‘n zieër pril stadium. Mèr d'r goon al geruchte dat in de toekoms in Bieëmele auch digitaal getrouwde kin weure.



## NIEUWS-FOTO-QUIZ



# Daot mèt, en weur lezer van 't carnavalsseizoen 2018 !

Net zoe es eeder jaor organisere veer van de caranavals vereiniging same met d'r Tump weer unne "lezer van 't jaor" verkeezing of, in os geval, unne "lezer van 't carnavalsseizoen" Dit jaor höb veer daobee veur 't iers ouch de hulp van Facebook ingeroope. Eederein kin met doen, 't is neet meuijlik, geer hoof bee de foto's allein mer't gooje oondersjrif te keeze. Väöl succes !!



### Foto 1

- A. Prinses Angelique op mannejacht..
- B. Vrouwelijke Sjeetvereiniging "neet gesjote is altied mis" opgeriech
- C. Die brook dat kin ech neet, dao lupste mèt veur sjut(ter)

### Foto 2

- A. nao opriechting Bridgeclub noe ouc strippokerclub in Bemele..
- B. Zoe gek wie 'n Sjöp(pe)...
- C. Zowste dao ouch met kinne hartejage?





Foto 3

- A. Rapper Boef sjter op Krutjefeest
- B. Zjwoer beveiliging artieste op Krutjefees
- C. Kierk dae altied zoe Kruttig oet zien auge?

Foto 4

- B. Vluchtelinge kamp gespot in Bemele
- C. Kwaliteit bungalows Green Resort vèlt zjwoer tege,....
- D. De herdertjes lage bij nachte....



Foto 5

- A. Schuif mer aan bee Roemers krijs keuninkijk bezoek
- B. Drei keuninge kaarte in Bemele
- C. Mer wèrs dae vent neve Maxima eigelek?

### Foto 6

- A. Bemels Prinsenpaar och sjtreng veur Drumband Bemelen....
- B. Tripadviser te gast bee Bemels hotel,..
- C. Dat is same zeve...



### Foto 7

- A. Joonkheid organiseert "Heel Bemelen Bakt"
- B. Niels Beijers: "es geer miech liert keepe, dan lier iech uch bakke,...."
- C. Joonkeid Bemele waal hiel erg maelig bezig...

### Foto 8

- A. Boer zoekt (en vindt) vrouw...
- B. Heeheerlijk zoenenenene ouwewewe diediediesel,.....
- C. Tractors,.. weer eens get anders es brommers kieke,....



**Foto 9**

- A. No Hoeskamer project noe  
ouch sjlaopkamer project  
Bemele
- B. Lezing Dr Phil euver  
slaopkamergeluk
- C. Gein Carnavalszitting mèr  
Carnavalsligging dit jaor



**Foto 10**

- A. Drumband Bemele zet noe éch sexy  
drummers in veur concours..
- B. Maak miech neet oet of ze  
Amerikaans of Engels Countere, es  
ze ziech mer umdreijen...
- C. Maag die met de X bein eigelik waal  
met doen?

**Foto 11**

- A. Laatste avondmaal op  
Bemelerberg..
- B. Generale repetitie  
Jubileumbrunch Bemelen  
1000+
- C. Wein, weib und gesang....  
ohne weiber....





Foto 12

- A. Nao Bemels keteerke, noe ouch Steins Halfeurke, of waor 't Elsloo's eurke?
- B. Blazen kreng,...
- C. Aoch te huur es mis-hoorn....

Foto 13

- A. Resultaat jaore lange zeuktocht nao Bemels Beer van Vogelwerkgroep
- B. Lei levert laeg flesje in bee Henk en kin unne aovend dreenke van sjtatiegeld...
- C. Kettingdreenke bee Café Roemers..



Foto 14

- A. Veer wiste al dat dat neet van Peter waor.... d'r sting gein sjrieffout in,....
- B. Es dat sjlingers zeen, dan zeen veer benuijd nao de processievlagge dit jaor,...
- C. Veer zeen benuijd wae 't ierste op de knëeën geit....



**Met zoe 'n sexy bein,  
krijg de drumband de punte waal bee ein..**

# Carnavalsprogramma 2018



## **Zoondig 4 februari: Keender-Zitting**

Um 13.11 oor: Oploate van de Berggeit en ballonnen - wedstrijd.

## **Zaoterdig 10 februari: Sjleuteleuverdrach**

Um (ongeveer) 19.00 oor: Sjleutel-euverdrach van de parochie Bemelen tijdens de H. Mis  
Daonao Preense/Prinsessebal **café 't Plateau**

## **Deensdig 13 februari: Groete Carnavalsoptoch**

Opsjtelle : 12.11 oor op 't Gasthoes  
Vertrek : 13.11 oor  
's middags en 's aoves springe in de zaal

## **Woensdig 14 februari: Hieringe biete**

Um 18:30 Assekruiske haole in de kerrek, daonao hieringbiete bee café Roemers.



# KINDERZITTING BEMELEN

## BEESTENBOEL

4 Februari 2018

13:11

Kom esteeleef allemaal beestachtig verkleid.., our rieke  
anne pries oet veur t sjoenste beest oet de Beestenboel!

Gemeenschapshuis

oude akerstraat 52, Bemelen



CARNAVALSVERENIGING  
„de BERGGEITTE“

BEMELEN



## (Ingesjtuurde breeve)

Bèste redaksie,

Iech bin normal gesjrpoke toch éch geine zeikerd, mèr miech moot vandaag toch gèt van 't hart. 't Geit euver Bemele 1000+. Of beter: euver de vlagge die die höbbe laote make. Vlagge in de kleure van Roda. Geel en zwart. Dan vraog iech miech es oprechte MVV-fan toch aaf: woerum? Woerum höbbe ze bee Bemele 1000+ gekoze veur de kleure van die koempele oet Kirchroa? Eine fetsoenlike minsj zow zich toch sjame um dao-in gezeen te weure... Woerum neet 't roed en wit van de bure, van MVV? Of is dat mesjiens umdat ze in Bemele nog altied giftig zeen dat die Sjenge jaore geleije 'n fleenk sjtök van 't groondgebied van de (toen nog zelfsjtandige) gemeinte höbbe ingepik? Iech sjnap 't neet. Iech zou d'r nog begrip veur höbbe gehad es ze de kleure van Fortuna hawwe gekoze. Gruen en geel zeen tenslotte vastelaoveskleure, dus dao kinste nik op tege höbbe. Mèr geel en zwart? Geer moot uuch sjame!!!

Eine giftige MVV-fan

*(Rejaksie van de redaksie)*

*Bèste MVV-fan,*

*Mesjoens zeet geer normaal gesjproke geine zeikerd, mèr in dit geval toch waal... Op de vlag van Bemele sjteit auch 'n roej sjter. Waal 'n klein sjterke, mèr toch ech 'n roei. Zowwe veer zègke dat dat de sjter van Mestreech is? Zeet geer tenminste auch weer tevreijke...*

---

Bèste redaksie,

Iech wil via uuch de sjtuurgroep van Bemele 1000+ hiel hartelik bedanke veur de vlagge die ze höbbe laote make. Es oprechte Roda-fan vind iech 't prachtig dat 'n klein dörrep vlakbee Mestreech 't komend jaor in de kleure van oos club door 't leve geit, en oos zoe 'n klein sjträölke leech in dees duustere periode gunt. Iech wil uuch bee deze al balaove: es Roda neet degradeert, zulle veer Bemele 1000+ mèt 'n fleenk bedraag subsidiëre. Korotaev haet os al vanoet de

gevangenis laote weite dat heer sjtraks gère 'n paar hoonderd van die vlagge van Bemele 1000+ wil euverneume um get mieér sfeer op Kaalhei te creëre. Dan zal waal iersj dat roed sjterke d'r vanaaf gehaold moote weure, want Roda haet al zoeväöl sjlèèg moote incassere dat ze dao al de gansen daag sjterkes veur de auge höbbe. Wat extra vervèlend is este op 't veld hielemaol gein sjterre höbs sjtoon...

Eine tevrijje Roda-fan

(Rejaksie van de redaksie)

Bèste Roda-fan,

*Veer zulle de kompleemeente doorgeve aan Bemele 1000+. En es geer nog sjterre zeuk: op 't iersjte van de FC loupe d'r 'n paar roond die bee uuch gein sjlech figuur zowwe sjloon...*



# WIS GEER DAT? (deil 2)

## **Wis geer dat:**

- veer veurig jaor unne gesjlaagde toneelaovend höbbe gehad in de zaal met 't sjtuk "Komkommertied"?
- D'r geruchte goon dat Bemele 'n eige toneelvereniging geit kriege?
- De audities van sjtart goon veur 't op te voere sjtuk "De proemetied"?
- Veer veural op zeuk zeen nao un zoerproum veur de hoofdrol?

## **Wis geer dat:**

- De Peerdekathedraal inderdaad väöl groeter is dan de kerrek in Bemele?
- mèr d'r ouch waal mie paerd in de peerdekathedraal komme dan luij in de kerrek?
- Dat d'r trouwens ouch mier luij op de sjijnheilige aovend waore?
- Veer höbbe gehuurd dat Philippe ech zien rooping gemis haet?
- Dat dae sjtal zoe groet is dat die van Vrij en Blij bee sjech waer de koetsentocht dao binne kinne houwe?

## **Wis geer dat:**

- dit jaor messjien wel 't letste jaor weurt veur de jeugdraod?
- dit kump umdat d'r te wienig keender zeen in Bemele...
- veer neet sjnappe woerum de carnavalsvereiniging neet gewoen weiwer geit met unne groete én kleine raod?
- d'r weliswaar wienig keender zeen mer genog klein luij veur unne kleine raod?
- Pierre en Wiel Pittie beveurbeeld neet zouwe opvalle (qua huugte dan) bee de kleine raod?
- Niels Beijers dan missjien wel de nuije kleine preens kin weure?

## **Wis geer dat:**

- D'n optocht dit jaor weer rechtdoor geit richting Mestreech?
- En d'r minder wages met maoge doen?
- Dat de raod van ellef dit jaor iers geit kieke nao de wages?
- Es de raod veur twie busse zurreg veer ouch met alle luij langs de kant van te veure kinnen goon kieke?
- Veer dan hielemaol geine optoch mie hoove te houwe in Bemele?
-

### **Wis geer dat:**

- nao Marleen, Leon en Anita, noe ouch Hub en Marjan in 'n aanleunwoening woene?
- dat noe de keender bee Sjef en Jose Frijns eindelik oetvleege, zee sjtrakks néét mie in 'n aanleunwoening woene?
- es bee Niels dit jaor gein sjnie op 't daak ligk dat kump door al die zonnepanele? (en neet van de kamerplanten?)
- dat Danny Crijns 'n pan aaf haet?
- Dat geer dat waarsjijnlik waal wis mer dat dat noe kaom door de sjturrem?

### **Wis geer dat:**

- 2017 veur de joonkheid gein topjaor waor?
- zee de top van hunne mei-den al metein kwiet waore..?
- de joonkheid dan ouch hiel doonker in zaog veur 2017?
- Mèr dat dat kaom umdat de verleechting wéér neet werkte?
- 't veur Bas van de joonkheid waal 'n topjaor waor?
- Heer veur de twiede kier keuning is gewoore met sjeete?
- Es hum dat dit jaor weer luk heer dan tot keizer weurt gekroend?

### **Wis geer dat:**

- Veer waal 'ns klage euver café 't Plateau dat tow is....
- mer dat veer dit jaor met oud en nuij boete op de sjtop veur café Roemers stoonde?
- en de café met oud en nuij gewoen waor gesjloote?
- En veer dus dao veur nik sjtonge met us vuurpijle, oliebolle en Jean en Wiel,....
- en die ouch neet bee de hoeskamer van Bemele terech koste?
- dat veer os aafvrooge of café van Leeuwen waal ope waor?

### **Wis geer tensjlotte dat:**

- d'r groete planne zeen veur un kleine golfbaan in Bemele?
- Peter van 't plateau namelijk'n midgetgolfbaan wou aanlegke?
- heer dao waal un vergunning veur nuudig houw?
- Veer dat waal vrèm vinde dat de gemeinte zoe lullig deit euver é paar kleine holes....
- Zee namelik minder meujte houwe met 'n vergunning veur dat gigantische hole op 't plateau?
- Zelfs Pierre Thomassen in dat gaan unne hole in one kin houwe?
- John Mingels éch unne bekker is en geine sjlechter?
- Umdat heer waal wegrent veur e verreke mer neet veur e broed?

CV de Bergeitsjes Bemelen 2017

# Prins Arne & Prinses Luka



Wij, jeugdprins Arne en jeugdprinses Luka van de Berggeitjes, hebben een fantastische carnaval achter de rug.

Alles moest geheim blijven tot het uitroepen, en intussen gingen wij de pakjes laten maken en op de foto bij Johannes, terwijl Jesper, ons broertje iedere keer gewoon thuis was! Het uitroepen was heel spannend maar na de proclamatie hebben we een super feest gehad. Eerst in het gemeenschapshuis, en daarna tot na middernacht doorgefeest bij Roemers. Op de zaterdag voor Carnaval zijn we eerst meegegaan met de sleuteloverdracht aan de gemeenteprins. Dit was op het gemeentehuis van Margraten. Daarna zijn we met de hele grote raad gaan eten bij de grote prins en prinses. Na het eten gingen we naar de kerk, en kregen wij zelf een sleutel overgedragen. We zijn daarna alweer gaan feesten bij Roemers. Niet lang daarna was de optocht. Het was een beetje koud, maar het was echt heel leuk om daar op de kar te staan en snoep te gooien naar de mensen. Op bezoek bij de andere carnavalsverenigingen was ook heel leuk.

Prins Louk en prinses Yvonne, de jeugdraad, Bianca, Monique, Philippe, de grote raad (de polanaise op de schouders dwars door Roemers was onvergetelijk) allemaal super bedankt. Verder willen we iedereen in het dorp bedanken voor alle aandacht, de mooie cadeaus, en voor de beste carnaval ooit!

Alaaf!

Prins Arne en  
Prinses Luka.





www.vangregor.nl  
0 6 - 1 5 4 2 3 2 1 6

METAALDRAAIERIJ  
LAMBERT THOMASSEN

Lambert Thomassen

De Steeg 6  
6268 NK Bemelen

Draai- en freeswerk  
Revisie van machineonderdelen

Telefoon: +31(0)43-4072060  
Mobiel: +31(0)6-13485657  
Email: lwmthomassen@home.nl



Thomassen  
Plant Protection

DE MEEST COMPLETE DIERENSPECIAALZAAK !



hulp-, turn-, diervoeders en benodigdheden  
werk-, vrijetijdsleiding en veiligheidsschoenen

Rijksweg 46  
Mesbergweg 1  
6325 BZ Berg en Terblijt  
Tel. 043-604 17 43  
Fax 043-604 20 89



H. & R. Andriën

Landschapsonderhoud, Loonwerk

BAKKERIJ  
De LeKKerbek  
Gebr. Mingeles

www.bakkerijlekkerbek.nl

JID ELECTRO  
DUYCKERS BV

- VOOR AL UW ELECTRISCHE INSTALLATIES •
- ONTWERP • AANLEG • SERVICE • ONDERHOUD
- 24-UURS SERVICE DIENST •

Molensingel 69 • 6229 PC Maastricht • W www.duyckers.nl  
• T 043-3652210 • F 043-3652505 • E electro@duyckers.nl •

# De kopere kromme

De groete carnavalsorde van de Kopere Kromme, de oondersjeiing veur groete verdeenste veur de gemeinsjap Bemele en umsjtreke, weurt dit jaor towgekind aan:



**Jo Troisfontaine en Wiel Pittie,** umdat zee dit jaor terecht un keuninklike oondersjeiding höbbe gekrege veur alles wat zee veur Bemele höbbe gedoon en houpelik blieve doen

**'t G-team van de FC Bemelen,** umdat zee in hun ierste seizoen al höbbe gezurreg veur un kampioensjap veur de FC, dao höbbe 't ierste en twiede mier tied veur nuudig gehad. Mer ouch veur hun enthousiasme veur, tijdens en nao de wedstrijd.

Eederein dae met haet geholpe aan 't veurbereije van 't jubileumjaor van Bemele, **Bemele 1000+**, eederein dae met deit aan 't organisere van evenementen van wat veur vereiniging dan ouch en eederein dae met (geit) doon aan die activiteiten...

Dat veer de res van Limburg in 2018 mer 'ns laote zeen wie men heij 'n feeske viert....



PASSIE FLORA  
HOVENIERSBEDRIJF  
Rijksweg 37. 6325AA Berg en Terblijt

E-Mail: [passieflora@zonnet.nl](mailto:passieflora@zonnet.nl)  
Tel: 06 - 53 33 94 42

.concept . uitvoering .  
.onderhoud.

Wij nodigen U uit voor een lekker hapje en drankje  
Zonnig terras in prachtig wandel en fietsgebied



CAMPING  
**VINKENHOF**  
café - restaurant  
**VIVA LA VINK**

Engwegen2a  
6305 PM Schin op Geul  
043-4591389

# HEIJNENS

## INSTALLATIES

P. Heijnens Installaties v.o.f.  
Meesweg 1  
6325AA Berg en Terblijt  
tel: 043 - 60 80 377  
fax: 043 - 60 80 378  
06 - 520 923 36 Pedro  
06 - 506 331 38 Pascal  
[info@pheijnens.nl](mailto:info@pheijnens.nl)  
[www.pheijnens.nl](http://www.pheijnens.nl)



**Grondwerkzaamheden.**  
't Rooth 8, 6269 NV Margraten  
**0434072993 0653940355**  
**e-mail: mnijskens@home.nl**



**CRIJNS** banden.nl

**EURO**  
**TYRE**

- \* Maastricht
- \* Bergerstraat
- \* T. +31(0)43 363 55 66

FACE-IT  
BEAUTY

Pastoor Brouwersstraat 18a  
Margraten  
[www.faceitbeauty.nl](http://www.faceitbeauty.nl)

**A L E R E**  
HAIR & NAILS

**BERHUYNEN**  
TUIN • PARK • LANDBOUWTECHNIEK

# SJNABBELGEITE

Foto: J. van der Velde, uit: De Berggeitjes, een historische roman over de Berggeitjes, geschreven door J. van der Velde, 2012.



Hengend aan lange veiligheidsketels hadden specialisten de begraafplaats op de rotswanden bij Bemelen weg. Foto: J. van der Velde.

## Berggeitjes gaan specialisten vervangen

‘t Gebäört neet zoe dèks datste in de gezèt gèt euver Bemele kins  
leze watste nog neet wèts, mèr soms euverkeump ’t dich.  
In november van ’t aafgeloupe jaor, op de 16<sup>de</sup>, ’n paar daag nao de  
opening van ’t vastelaovesseizoen, woorte veer ’s mörreges verras  
door de volgende krantekop: ‘Berggeitjes gaan specialisten  
vervangen’. In iersjte instantie dachte veer: wat? En: hoe? En:  
woerum? En: wiezoe? Kiek, dat de Berggeitte altied op zeuk zeen  
nao maniere um extra inkomste te kriege, dat wiste veer waal. Es lid  
van de Raod van Ellef verdeenste noe einmaol gein top-salaris. Zelfs  
van prins zeen weurste neet riek. Die sjnabbele dus allemaol waal get  
bee. D’n eine es boer, de andere mèt ’n hotel, of mèt van dik hout  
planke zaege... Mèr speesjaliste vervange?  
Zowwe veer vanaaf komend jaor bee ’t AZM mesjiens neet door eine  
speesjalist mèr door ’n Berggeit van oos aambeie-probleem verlos  
goon weure? Of höbbe ze mesjoens ’n beebäönsje gevoonde bee de  
bande-speesjalist, en goon ze zich mèt de vastelaovend bezig hauwte  
mèt ’t besjtreije van bandeloos gedrag? Veer kaome dao neet oet.  
Mesjiens hawwe veere os väöl meujtje kinne besjpare es veer iersj ’t

artikel oonder dae kop geleze hawwe, mèr ja, dan hawwe veer gein sjtuk veur de carnavalsgezèt gehad...

In 't artikel sjtong namelik woe 't noe eigelik um geit. Berggeitjes weure dit jaor ingesjakeld um op de Bemelerberg veur 't Limburgs Landsjap 't greun op meujlik bereikbare plekke te oonderhawwe. Op plekke dus woe normaal luij allein bee kome es ze ingewikkeld en gevierlike bergbekummers-truucs oethoole. Berggeitjes kinne zellefs op de sjteilsté plekke good oet de veuj, volges de deskundige van 't Limburgs Landsjap.


Veurluipig geit 't nog um 'n proof. Ze wille iersj kieke wie die Berggeitte zich goon gedrage. Veural umdat ze de reputatie höbbe dat ze nogal ins gèt väöl wille dreenke, en dan neet altied eve sjtevig op de puuj sjtoon. Op sjteile mergelhellinge kin dat gevierlik weure. Auch zeen Berggeitte dèks in de weke roond Vastelaovend neet inzètbaar, umdat ze dan andere bezighede höbbe. Soms doort 't tot wied nao Vastelaovend veur ze weer bove water kome, en dan sjteit 't greun op de hei metein weer te hoeg. 't Limburgs Landsjap deenk dat dit mesjiens waal opgelos kin weure door d'r eine Bergbok bee te zette um de geite in 't gareel te hawte. En dan leefs eine awwe Bergbok. Want aw Bergbök luste gaere greun blaedsjes, dus dat zou 't oonderhoud van de hei dan mesjiens nog vlotter laote loupe...



paul bovens  
architectural design

www.paulbovens.nl  
info@paulbovens.nl  
+31 648967139

*Gelukkig  
höbbe veer  
de foto's  
al...*



*Oplossing  
veur es  
de raod  
te meug  
is um op  
sjtap te  
goon.....*



# Foto's Groete Zitting 2018





# Prinses Angelique I



CV De Berggeitte Bemelen 2018